

## ZUAN KALATA'N M'ᵒ LI MUA'N

*M'ᵒ wᵒ nun'n*

Ke menian'n-mᵒ le kpɔn kele'n, Zozi bᵒfᵒe Zuan hᵒli tanlanlɔn kulo kpili'n mᵒ be fele yí Efɛzi nun asu. Ebele asᵒnɔn'n-mᵒ, Zozi bᵒfᵒe Pᵒlu yê ɔ bᵒli bé bu ɔ. Mele mᵒ Zuan walɔ juli ebele'n, ɔ kacili asᵒnɔn sᵒ'n-mᵒ asu kpain. Ehika ati yê ɔ fele asᵒnɔn'n-mᵒ anun menian'n-mᵒ yí mma nun ɔ.

Zuan heleli kalata nsan mᵒ ye le yí yé sa nun ewa'n. Alimua kalata die'n, ɔ'a ngele ɔ ngᵒ man asᵒnɔn kᵒn anaan sᵒanlan kᵒn. Nan kalata nun an, anun ɔ di ke asᵒnɔn'n-mᵒ kᵒalaatin kɔnnga. Kalata nun anun, ejᵒle tile nnyuan wᵒ nun. Ejᵒle tile kᵒn le sele bé ke be nánnɔ ananhᵒle atɔn nun asu. Ejᵒle sᵒ'n, yí bu y'ᵒ le ke be lé yé Mɔn Zozi be lí bé ahᵒnlɔn nun anun kpa, eɛe be húlo bé nwᵒn. Ejᵒle tile kᵒn kᵒsu le kannzᵒ bé ke be nían bé nwᵒn wᵒ bé mᵒ be kekele ato ninng'e'n-mᵒ anwᵒn (2.18-29, 4.1-6).

*Sᵒanlan'n mᵒ yí nvan ejᵒle'n man ngᵒan'n*

*y'ᵒ le Nyanmɔan Awa Zozi Kilisi*

<sup>1</sup> Anianman-mᵒ, ye le kele emᵒ ye bᵒ sᵒanlan'n mᵒ yí nvan ejᵒle'n man ngᵒan nun anwᵒn ejᵒle ye kele emᵒ. Ninng'e'n-mᵒ kᵒalaa abᵒbᵒ nun anun'n, anun sᵒanlan sᵒ'n wᵒ ebele. Yé die, y'a tɔ yí nvan anun ejᵒle, y'a nwun yí yé nyɔnsᵒ, yé nyɔn a ha yí nwᵒn y'a fa yé sa y'a han yí.

<sup>2</sup> Mele m'ᵒ yɔli yí nwᵒn'n, ye nwunlin yí. Ehika ati, ye di yí nwᵒn adanzɛ ye le kan yí nwᵒn ejᵒle ye kele

εμο. Υί yê ɔ man yé ngwan m'ɔ le man ayuelie nun ɔ. Anun ɔ wɔ yé Si Nyanmian anwɔn elɔ yê ɔ'a a yi yí nwɔn ɔ'a hele yé ɔ.

<sup>3</sup> Anianman-mɔ, sɔanlan sɔ'n, ɔ ti Nyanmian Awa. Mɔ y'a nwun yí yé nyinsu nun ejɔle mɔ y'a ti'n, ye le bɔ nun amannie ye kele εμο kusɔ nán εμο nun yé, ye kan ye bɔ nun ye yɔ kɔn. Afi yé die, ye nun yé Si Nyanmian nun yí Wa Zozi Kilisi y'a han y'a bɔ nun y'a yɔ kɔn.

<sup>4</sup> Ehika ati yê ye le kele kalata ehi ye bele εμο nán yé fe elie nun a la yí nyin kpa bɔkɔɔ.

### *Nyanmian ti kanlannie*

<sup>5</sup> Anianman-mɔ, ε 'nwun ejɔle'n mɔ Zozi Kilisi hanlin heleli yé mɔ ye le bɔ nun amannie ye kele εμο'n. Ejɔle sɔ'n, y'ɔ le ke Nyanmian ti kanlannie, awosin fíi nnɔn man yí nun.

<sup>6</sup> Υί ti, se ye kan ke ye nun yí y'a han y'a bɔ nun y'a yɔ kɔn nán se ye te yɔ awosin nun anun nyɔlie'n-mɔ a, anin ye le laka laka yé muonun yé nwɔn yé ejɔle'n nun yé nyɔlie'n-mɔ anun.

<sup>7</sup> Nan se ye ti kanlannie'n yuein nun anun ke Nyanmian muonun ti yí nun an, anin ye nun εμο, y'a han y'a bɔ nun. Anin yí Wa Zozi moja'n ti yé nwɔn wɔ ete biala anun.

<sup>8</sup> Se ye kan ke ye nyɔ man ete a, anin ye le laka laka yé muonun yé nwɔn, ananhɔle fíi nnɔn man yé nun.

<sup>9</sup> Nan se ye kan yé ete'n-mɔ ye kele Nyanmian an, ɔ 'fa yé nwɔn sa ɔ ce yé, ese ɔ 'ti yé nwɔn wɔ ete biala anun. Ye kɔala ye de yí ye tɔ nun. ɔ sanlin ke Nyanmian ti sesefoe.

10 Σε γε καν κε γε γολι man ετε a, anun γε λε κελε κε Nyanmian ti atofue. Anun y'a nva man yi Nvan Ejole'n y'a nzie man.

## 2

### *Zozi Kilisi di ye ti ejole*

1 Min mma-mo, ke o ko yo nan emo a nyo man ete'n, yi ti ye mun kele kalata ehi mun bele emo o. Nan se swanlan bie yo ete bobo a, ye le dimanfue kon wo ye Si Nyanmian anwon ebele m'o di ye ti ejole o. Dimanfue so'n, y'o le Zozi Kilisi m'o ti sese fue'n.

2 O sanlin ke Zozi Kilisi a fa yi nwon a yi ye ti tee maan Nyanmian a fa ye ete'n kwalaa a hye ye. Nan ye ete die nun ala ye o 'fa ce ye o, nan o 'fa menian'n-mo kwalaa ete'n o ce be.

3 Σε ye nyin so Nyanmian, ye yo like m'o ko hele ye ke ye yo nun an, anun ye si Nyanmian sakpa.

4 Swanlan mo yi nwan: "Min die, mun si Nyanmian," nan yi nyin nzo man yi a, anun swanlan so'n ti atofue, o ngan man ananhole fi.

5 Nan swanlan koso mo yi nyin so Nyanmian Anvan Ejole'n, anun o ti swanlan m'o kulo Nyanmian sakpa. Ebele ye ye nwun yi ke y'a fa ye nwun y'a bo Nyanmian o.

6 Swanlan m'o ko han ke o non Nyanmian b'a yo kon'n, o di ke o nanndi atin'n mo Zozi Kilisi nanndi so nun aso.

7 Min ehulo mma, nan mala fofole ye mun kele mun bele emo o. Nan mala daba'n mo be hanlin be heleli emo mele mo emo falu be nwun be manlin Zozi'n. Mala daba so nun anwon ejole ye mun kaci emo o.

8 Nan koso, o ti ke mala fofole ye mun kele mun bele emo o. Be nwun yi ananhole wo Kilisi enanndie nun

anun, ɔ nun emɔ kɔsɔ enanndɛ nun anun. Ye nwun yí kɛ ɔ ti fɔfɔlɛ, ɔ sanlɪn kɛ awosin nun a hɔ a yue, jawe nun a fite dada angɔnmɪn.

<sup>9</sup> Svanlan m'ɔ kɔ han kɛ ɔ nanndɪ jawe nun anun nan ɔ kpɔ yí nianman an, anɪn svanlan sɔ'n tɛ nanndɪ awosin nun anun.

<sup>10</sup> Svanlan m'ɔ kulo yí nianman'n, anɪn svanlan sɔ'n nanndɪ jawe nun. ɔ nyɔ man like fíí m'ɔ kɔala kɛ ɔ man svanlan tɔ etɛ nun anun ɔ.

<sup>11</sup> Nan svanlan m'ɔ kpɔ yí nianman'n, anɪn svanlan sɔ'n tɛ nanndɪ awosin nun anun. ɔ nanndɪ awosin nun, ɔ nzi man lika m'ɔ lɛ kɔ'n. Afɪ awosin nun a lu yí nyɪn nun asɔ tuun.

### *Nán be kulo eyuadi'n*

<sup>12</sup> Mɪn mma-mɔ, mɪn keɛ kalata ehi mɪn beɛ emɔ, ɔ sanlɪn kɛ Kilisi dunman nun ati, Nyanmɪan a fa emɔ etɛ nun a hye emɔ.

<sup>13</sup> Mɪn si-mɔ, mɪn keɛ kalata ehi mɪn beɛ emɔ, ɔ sanlɪn kɛ emɔ si svanlan'n m'ɔ wɔ ebeɛ sunmin mân nun abɔbɔ nun anun'n. Mgbafɛɛ-mɔ, mɪn keɛ kalata ehi mɪn beɛ emɔ, ɔ sanlɪn kɛ emɔ asa a huala Abɔnsanmɔn.

<sup>14</sup> Mɪn mma-mɔ, mɪn keɛ ehi mɪn beɛ emɔ, ɔ sanlɪn kɛ emɔ si Siɛ'n. Mɪn si-mɔ, mɪn keɛ kalata ehi mɪn beɛ emɔ, ɔ sanlɪn kɛ emɔ si svanlan'n m'ɔ wɔ ebeɛ sunmin mân nun abɔbɔ nun anun'n. Emɔ mgbafɛɛ'n-mɔ, mɪn keɛ kalata ehi mɪn beɛ emɔ, ɔ sanlɪn kɛ emɔ anwɔn yɔ si. Nyanmɪan Anvan Ejɔɛ'n wɔ emɔ anun, eɛɛ emɔ asa a huala Abɔnsanmɔn.

<sup>15</sup> Nán be kulo eyuadi'n, nán be man bé nyɪn bɔɔ nun ninngɛ'n-mɔ. Svanlan m'ɔ kɔ hulo eyuadi ehi anun ninngɛ'n-mɔ'n, svanlan sɔ'n, anɪn ɔ ngulo man Nyanmɪan.

16 Afi ninng'e'n kwalaa m'ɔ wɔ nun'n, ajɔnlɪn basa-basa, ɔ nɔn ninng'e'n kwalaa mɔ sɔanlan anyɪn bulɔ yɪ nwɔn'n, ɔ nɔn asɪɛ nɪn asɔ ɛwa anwɔndɪɛ'n mɔ bɛ fa bɛ tu bɛ nwɔn'n, ɛhɪ kwalaa fi man Sɪɛ nɪn ɛlɔ, nan ɔ ti eyuadi nɪn anun ninng'e.

17 Eyuadi'n nɔn nun anyɪnbɔlɔ'n 'kpɛ nun, nan sɔanlan m'ɔ yɔ like mɔ Nyanmɪan kulo'n, sɔanlan sɔ'n le nyanmɪansɔ ngɔan'n m'ɔ le man ayuelɪɛ'n.

### *Bɛ mɔ bɛ kpɔ Zozi Kilisi'n*

18 Mɪn mma-mɔ, mɔn nɪn ayuelɪɛ ka kaan ju. ɛmɔ a ti kɛ bɛ nwan Kilisi kpɔfɔɛ'n di kɛ ɔ ba. Sɪan dɪɛ, Kilisi mgbɔfɔɛ'n-mɔ a sɔn. ɛhɪ y'ɔ man yɛ nwun yɪ kɛ yɛ wɔ mɛɛ kasian nɪn anun ɔ.

19 Kilisi mgbɔfɔɛ sɔ'n-mɔ, daba anun bɛ wɔ yɛ eku nɪn anun bie, nan kɔsɔ bɛ nɔn yɛ ti man kɔn. Afi sɛ ɔ ti kɛ bɛ nɔn yɛ ti kɔn an, ahan b'a nyɪ man bɛ nwɔn. B'a yɪ bɛ nwɔn maan bɛ nwun yɪ ananhɔɛ kɛ nɔn yɛ menian y'ɔ le bɛ.

20 Nan ɛmɔ dɪɛ, Kilisi a fa Wawɛ Nwanzan-nwanzan'n ɔ'a man ɛmɔ, ɔ'a man ɛmɔ kwalaa a nwun ananhɔɛ ɛjɔɛ'n.

21 Sɛ mɪn kɛɛ ɛmɔ a, nɔn kɛ ɛmɔ nzɪ man ananhɔɛ ɛjɔɛ nɪn ɔ, nan kɛmɔ ɛmɔ sɪ yɪ nɪn ati ɔ. Afi, ɛmɔ sɪ kɛ ananhɔɛ'n nɔn ato'n bɛ nzan man.

22 Atofɔɛ'n y'ɔ le nwan? Atofɔɛ'n y'ɔ le sɔanlan'n m'ɔ kan kɛ Zozi ti man Kilisi'n. Sɔanlan sɔ'n kpɔ Kilisi. ɔ nne man Sɪɛ'n nɔn Baa'n nni man.

23 Afi, sɔanlan m'ɔ nne Baa'n nni man'n, anɪn sɔanlan sɔ'n, ɔ nne man Sɪɛ'n kɔsɔ nni man. Nan sɔanlan m'ɔ de Baa'n di'n, anɪn ɔ de Sɪɛ'n kɔsɔ di.

24 ɛhɪka ati, ɛjɔɛ'n mɔ abɔbɔ nɪn anun bɛ hanlɪn bɛ helelɪ ɛmɔ'n, ɛmɔ mɔn ɔ tɔnlan ɛmɔ ati anun kpa.

Se emɔ fa ejɔle sɔ'n sie a, anun emɔ kusɔ nun Baa'n nun Sie nin a han a bɔ nun b'a yɔ kun.

<sup>25</sup> E 'nwun like mɔ Kilisi a fa a bɔ yé anɔhuba ke ɔ 'fa man yé'n: nyanmiansɔ ngvan'n m'ɔ le man ayueliɛ'n.

<sup>26</sup> Bé mɔ be kulo ke be laka emɔ'n, bé ti yê mun keke kalata ehi mun beke emɔ ɔ.

<sup>27</sup> Nan emɔ die, Kilisi a fa yí Wawe nin a man emɔ. Kemɔ yí Wawe'n wɔ emɔ anun nin ati, ɔ njian man ke sɔvanlan héhele emɔ ninngɛ. ɔ sanlɔn ke Wawe'n kekele emɔ ngɛle ninngɛ kwalaa anun. Ninngɛ'n kwalaa m'ɔ kele'n ti ananhɔle, ato nnɔn man nun. Emɔ mán bé nyɔn sɔ like mɔ Wawe'n kele emɔ'n nán emɔ nun Kilisi a yɔ kun.

<sup>28</sup> Afɔ sian, mɔn mma-mɔ, emɔ nun Zozɔ Kilisi be yɔ kun nán cian m'ɔ kɔ a'n, yé ahɔnlɔn a tɔ yé kunnun, nán yé nyunnun a ngua man asɔ yí ewale nin anun.

<sup>29</sup> Emɔ si ke Kilisi ti seseɔɔɔ, ehɔka ati, emɔ nwún yí ke sɔvanlan m'ɔ yɔ nyɔle m'ɔ ti kpa'n, sɔvanlan sɔ'n ti Nyanmian awa.

### 3

#### *Ye ti Nyanmian amma sakpa*

<sup>1</sup> Anianman-mɔ, emɔ nían ehulo kpili'n mɔ Nyanmian a hulo yé'n! ɔ'a hulo yé dede ɔ'a fele yé yí mma. Se ɔ fele yé yí mma a, ɔ ti ananhɔle, ɔ sanlɔn ke y'a kaci yí mma sakpa. Emɔ nían, like m'ɔ man menian'n-mɔ nnwun man ke ye ti yí mma'n, y'ɔ le ke be nzi man Nyanmian muonun.

<sup>2</sup> Ehulo mma, sian die, ye ti Nyanmian amma. Nán ke cian bie ye 'ba kpɔn ye kaci yí'n, ɔ fiteli man yuein. Kusɔ mɔ ye si'n y'ɔ le ke cian mɔ Kilisi'n kɔ

sa kɔ a'n, yé kwalaa ye 'ba nwun yí yuein ke ɔ kpɪn tɪ yí'n, nán ye kaci ke yí.

<sup>3</sup> Svanlan biala m'ɔ le anyɪndasɔɛ ke ɔ tɪ Nyanmɪan awa'n, ɔ sie yí nwɔn nwannzan-nwannzan ke Kilisi tɪ nwannzan-nwannzan'n.

<sup>4</sup> Svanlan biala m'ɔ kɔ yɔ ete'n, anɪn ɔ'a tɔn Nyanmɪan mala'n. ɔ sanlɪn ke ete eyɔle'n yê be fele yí mala etvan nɪn ɔ.

<sup>5</sup> Emɔ si ke yé ete nɪn ati yê Zozi Kilisi walɪ ɔ. ɔ walɪ yé ete nɪn ecicie. Yí muonun, ete sin kaan sɔa, ɔ yɔli man bie lé.

<sup>6</sup> Ehi ati, svanlan biala m'ɔ kɔ fa yí nwɔn ɔ kɔ bɔ Zozi Kilisi'n, ɔ yáci ete nɪn eyɔle. Nan svanlan m'ɔ te yɔ ete'n, anɪn ɔ nwunlɪn man Zozi Kilisi lé ese ɔ nzi man yí.

<sup>7</sup> Mɪn mma-mɔ, nán be man svanlan fíí laka emɔ. Svanlan m'ɔ yɔ nyɔle m'ɔ tɪ sese'n, anɪn svanlan sɔ'n muonun tɪ seseɔɛ ke Kilisi tɪ yí'n.

<sup>8</sup> Nan svanlan m'ɔ yɔ ete'n, anɪn ɔ tɪ Abɔnsanmɔn svanlan. ɔ sanlɪn ke mân'n bɔli yí bu ala yê Abɔnsanmɔn yɔli ete ɔ. Ehi ati, Nyanmɪan Awa'n walɪ ke ɔ 'ba bɔ Abɔnsanmɔn junman'n m'ɔ di nɪn abusɔ.

<sup>9</sup> Svanlan biala m'ɔ tɪ Nyanmɪan awa'n, ɔ yáci ete nɪn eyɔle. ɔ sanlɪn ke Nyanmɪan tunmin'n m'ɔ man ngɔan'n wɔ yí nun. ɔ le man atɪn ke ɔ yɔ ete ɔ, ɔ sanlɪn ke Nyanmɪan tɪ yí Si.

<sup>10</sup> E 'nwun like m'ɔ man be nwun Nyanmɪan amma'n-mɔ nɔn Abɔnsanmɔn di'e'n-mɔ angɔnmɔn'n: svanlan biala m'ɔ nyɔ man nyɔle m'ɔ tɪ sese anaan ɔ ngulo man yí nianman'n, anɪn svanlan sɔ'n tɪ man Nyanmɪan awa.

*Emɔ húlo bé nwɔn*

11 Ehi, Ejolekpa nun abobo nun anun, ejole mo emo tili'n y'ò le ke ye hùlo yé nwon.

12 Nán man ye yò ke Kayin m'ò ti Abonsanmòun sòanlan, m'ò hunlin yí nianman'n. Nzuke ati yê Kayin hunlin yí nianman'n? Ì hunlin yí, ò sanlín ke Kayin muonun, yí nyòlé'n-mò ti man kpa. Yí nianman'n nyòlé díe'n-mò ti kpa.

13 Mín nianman-mò, se mân nun anun menian'n-mò kpò emò a, nán be man ò sin bé nwon.

14 Ye si ke ye fi ewue nun y'a tinngé y'a wòlò ngòan nun. Ye nwun yí sò, ò sanlín ke ye kulo yé nianman'n-mò. Sòanlan m'ò ngulo man sòanlan'n, anin ò tẹ wò ewue nun.

15 Sòanlan biala m'ò ngulo man sòanlan'n, anin ò kun sòanlan. Emò si ke sòanlan m'ò kun sòanlan'n, ò nnyan man nyanmiansò ngòan'n m'ò le man ayuelé'n.

16 M'ò man y'a nwun ehulo'n y'ò le ke Zozi Kilisi a hulo kulo menian'n-mò dede ò'a wu bé dunman nun. Ì se ke yé kòsò ye hùlo yé nianman'n-mò dede ye wú bé dunman nun.

17 Se sòanlan kòun le eyuadi nín anun anwòndíe'n-mò, se ò nwun yí ke yí nianman nun a mian nán se ò'a nne man yí a, sòanlan sò, ò yò se m'ò kan ke Nyanmian ehulo'n wò yí nun ò?

18 Mín mma-mò, nán be man ye kulo yé nwon yé je sò nun yé nòan nun mgban. Nan be mân ye hùlo yé nwon ananhòle nun, ese be mân ye yó like m'ò kele ke ye kulo yé nwon sakpa.

19 Se ye yò yí sò a, ye 'nwun yí ke ananhòlé'n wò ye nun. Ehi yê ò 'ba man yé ahònlín 'tò yé kunnun wò Nyanmian anyunnun ò.

<sup>20</sup> Afi, se yé ahɔnlɩn'n bu yé fɔɔ biala a, Nyanmɩan tɩ kpili tala yé ahɔnlɩn'n, ese ɔ si like biala.

<sup>21</sup> Yí ti, ehulo mma, se yé ahɔnlɩn'n mmu man yé fɔɔ a, anɩn yé ahɔnlɩn tɔ yé kunnun wɔ Nyanmɩan anyunnun.

<sup>22</sup> Like biala mɔ ye kɔ sele yí'n, ɔ 'fa man yé. ɔ sanlɩn ke ye di yí mala nɩn asu ese ye yɔ yí kunnun like.

<sup>23</sup> E 'nwun mala'n mɔ ɔ'a fa ɔ'a man yé'n: Ye lé yí Wa Zozi Kilisi ye lí, nán ye húlo yé nwun ke Kilisi hanlɩn helelɩ yé'n.

<sup>24</sup> Sɔanlan m'ɔ di Nyanmɩan mala nɩn asu'n, anɩn ɔ wɔ Nyanmɩan anun, Nyanmɩan kɔsu wɔ yí nun. Like m'ɔ man ye nwun yí ke Nyanmɩan wɔ yé nun'n y'ɔ le yí Wawɛ Nwanzan-nwanzan'n mɔ ɔ'a fa ɔ'a man yé'n.

## 4

### *Nyanmɩan Wawɛ'n yê kpɔfɔɛ'n wawɛ'n*

<sup>1</sup> Ehulo mma, nán be de bé kwalaa mɔ bé nwan be le Nyanmɩan Wawɛ'n be di. Nan emɔ sɔ bé be nían se wawɛ'n mɔ be le yí'n fi Nyanmɩan elɔ sakpa a. Afi ato mgbɔmanfɔɛ dɔɔn a tɔ a sanndɩ mân nɩn anun.

<sup>2</sup> E 'nwun like m'ɔ man be nwun yí ke sɔanlan ehɩ le Nyanmɩan Wawɛ'n: Sɔanlan biala m'ɔ kɔ han ke Zozi Kilisi a kaci yí nwun kulo sɔanlan sakpa'n, anɩn sɔanlan sɔ'n le Nyanmɩan Wawɛ'n.

<sup>3</sup> Nan sɔanlan m'ɔ nne Zozi anwɔn ejɔle sɔ'n nni man'n, anɩn sɔanlan sɔ'n le man Nyanmɩan Wawɛ'n. Wawɛ'n m'ɔ wɔ sɔanlan sɔ nɩn anun'n tɩ Kilisi kpɔfɔɛ'n wawɛ. Emɔ tɩlɩ ke wawɛ sɔ'n 'ba a mân nɩn anun. Kɩkaala diɛ, wawɛ sɔ nɩn a a mân nɩn anun dada angɔnmɩn.

4 Míñ mma-mɔ, emɔ diɛ, emɔ ti Nyanmian menian. Emɔ asa a hɔala ato mgbɔmanfɔɛ'n-mɔ. Ɔ sanlɪn kɛ Wawɛ'n m'ɔ wɔ emɔ anun'n, ɔ yɔ sɪ tala wawɛ'n m'ɔ wɔ m̃n ɛhɪ anun menian'n-mɔ anun'n.

5 Kɛmɔ bɛ ti m̃n ɛhɪ anun menian'n, nunhan ɛjɔlɛ ala yê bɛ kan ɔ. Mɔ bɛ kɔ han'n kɔsɔ yê menian'n-mɔ tie ɔ.

6 Nan yé diɛ, Nyanmian menian y'ɔ le yé. Sɔanlan m'ɔ sɪ Nyanmian'n tie yé. Nunhan m'ɔ nzɪ man Nyanmian'n ndie man yé. Ɛbɛlɛ yê yɛ fa yɛ nwun Nyanmian Wawɛ'n m'ɔ kan ananhɔlɛ'n nɔn atofɔɛ'n-mɔ wawɛ nɪn angɔnmɪn ɔ.

### *Nyanmian ti ehulo baka.*

7 Ehulo mma, bɛ m̃n yɛ húlo yé nwɔn. Ɔ sanlɪn kɛ ehulo'n fi Nyanmian ɛlɔ. Sɔanlan biala m'ɔ kulo sɔanlan'n, ɔ ti Nyanmian awa, ɛsɛ anun ɔ sɪ Nyanmian.

8 Nan sɔanlan m'ɔ ngulo man sɔanlan'n, anin ɔ nzɪ man Nyanmian. Ɔ sanlɪn kɛ Nyanmian ti ehulo baka.

9 Ɛ 'nwun kɛ Nyanmian kpɪnlɪn hehelɪ yé kɛ ɔ kulo yé'n: ɔ'a sɔan yí Bangɔlɔ'n m̃n nɪn anun maan yí dunman nun, yɛ nyan ngɔan.

10 Nan ehulo'n mɔ Nyanmian kulo yé'n, nán kɛ yé yê y'a li mɔa y'a hulo Nyanmian ɔ. Nan yí lɪlɪ ɔ'a li mɔa ɔ'a hulo yé ɔ'a sɔan yí Wa'n kɛ yé ɛtɛ'n-mɔ dunman nun, ɔ yí yé ti tɛɛ maan yɛ nyán ɛtɛ face.

11 Ehulo mma, sɛ Nyanmian a hulo yé sɔa a, yé kɔsɔ yɛ húlo yé nwɔn.

12 Sɔanlan fíi nwunlin man Nyanmian lé. Nan sɛ yɛ kulo yé nwɔn an, Nyanmian 'tanlan yé nun bɛ nwun yí ehulo'n m'ɔ wɔ yé nun'n kpa bɔkɔɔ.

13 Like m'ò man ye nwun ke Nyanmian wò yé nun, ese yé kusu ye wò yí nun'n, y'ò le ke ò'a fa yí Wawe'n ò'a man yé.

14 Y'a nwun yí yê ye le bò kpaye ke Siε nun a swan Baa'n ke ò bála a le mân nun ati.

15 Σε swanlan kùn kan yí bagua nun ke Zozi ti Nyanmian Awa a, anin Nyanmian wò swanlan sò nun anun ese yí kusu ò wò Nyanmian anun.

16 Nan yé diε, ye si ke Nyanmian kpín kulo yé'n, ò man y'a le yí y'a li. Nyanmian ti ehulo baka. Swanlan m'ò le ehulo'n, anin ò ti Nyanmian diε, Nyanmian kusu ti yí diε.

17 Σε ye le ehulo sakpa yé nun an, cian mò Nyanmian 'ba bua menian'n-mò ndεε'n, yé kunnun nditi man yé. Ò sanlín ke asitanlan'n mò ye ti nun mân nun anun'n, ò non Zozi diε'n ti kùn.

18 Esulo nnun man ehulo nun anzin. Swanlan m'ò kulo swanlan kpa'n, ò nzulo man yí nzin. Swanlan m'ò sulo yí nzin'n, anin ò le man ehulo kpa. Afi, esulo'n kele ke εε'n wò ebele non yí nwun ahatua.

19 Nan yé diε, ye kulo Nyanmian non menian'n-mò, ò sanlín ke Nyanmian y'ò lili mba ò hulolú yé ò.

20 Σε swanlan kùn kan ke: “Mín kulo Nyanmian” nán se ò kpò yí nianman an, anin ò ti atofue. Afi, se ò kpò yí nianman'n m'ò nwun yí nun an, nán Nyanmian m'ò nnwun man yí'n yê ò kuala ke ò kulo yí ò.

21 Ε 'nwun mala'n mò Kilisi a fa a man yé'n. Swanlan m'ò kulo Nyanmian'n di ke ò kulo yí nianman'n kusu.

## 5

*Ye di mân nun asv kunnunmun*

<sup>1</sup> Svanlan biala m'ɔ de di ke Zozi ti Kilisi'n, anin svanlan sɔ'n ti Nyanmian awa. Ehika ati, svanlan mɔ yí nwan ɔ kulo Siɛ'n, anin ɔ kulo yí mma'n-mɔ kɔsu.

<sup>2</sup> Like m'ɔ man ye nwun yí ke ye kulo Nyanmian amma'n-mɔ'n y'ɔ le mele mɔ ye kulo Nyanmian ye di yí mala nin asu'n.

<sup>3</sup> Afi, se yé nwan ye kulo Nyanmian an, ɔ di ke ye di yí mala nin asu. Yí mala sɔ'n nyɔ man si mɔ ye ngɔala man su di ɔ.

<sup>4</sup> Ɔ sanlin ke Nyanmian awa biala di mân nin asu kunnunmun. Like m'ɔ man ye di mân nin asu kunnunmun'n y'ɔ le yé dedi'n.

<sup>5</sup> Nwan yê ɔ kɔala mân nin asu kunnunmun di ɔ? Svanlan m'ɔ de di ke Zozi ti Nyanmian Awa'n yê ɔ kɔala mân nin asu kunnunmun di ɔ.

*Like m'ɔ kele ke Zozi ti Nyanmian Awa'n*

<sup>6</sup> Zozi Kilisi muonun wali asie nin asu ɛwa. Be sɔninlin yí asue nin anin, ese mele mɔ ɔ 'wu'n, ɔ guali yí moja nin asi. Nán esɔnian ala yê be sɔninlin yí ɔ, nan ese ɔ guali yí moja nin asie nin asu. Nyanmian Wawɛ'n muonun di yí nwɔn adanzie. Ɔ sanlin ke yí die, ɔ nni man ato.

<sup>7</sup> Ninnge nsan kele yé ke Zozi ti Nyanmian Awa sakpa.

<sup>8</sup> Ninnge nsan sɔ'n y'ɔ le Nyanmian Wawɛ'n, esɔnian'n mɔ be sɔninlin yí asue nin anin'n, ɔ nɔn yí moja'n m'ɔ guali asie nin asu'n. Ninnge nsan sɔ nin anvan ejɔle ti kɔn.

<sup>9</sup> Menian'n-mɔ ninnge'n-mɔ mɔ be kɔ nwun yí'n, se be kan yí nwɔn ejɔle be kele yé a, ye de ye di. Nyanmian die'n m'ɔ kan'n tala bé die'n. Afi, Nyanmian muonun di adanzie ke Zozi ti yí Wa.

10 Svanlan m'ɔ de di ke Zozi Kilisi ti Nyanmian Awa'n, ɔ si yí fóón ke ejɔle sɔ'n ti ananhɔle. Nan svanlan m'ɔ nne nni man'n, ɔ keke ke Nyanmian ti atofɔe. Ɔ sanlin ke adanzie'n mɔ Nyanmian di wɔ yí Wa nin anwɔn'n, svanlan sɔ'n die, ɔ nne nni man.

11 E 'nwun adanzie sɔ'n: Nyanmian a man yé nyanmiansɔ ngvan'n m'ɔ le man ayuelie'n. Ngvan sɔ'n, ɔ nanndi yí Wa nin asɔ yê ɔ man ye nyan yí ɔ.

12 Svanlan m'ɔ kɔ le Baa'n kɔ li'n, ɔ le nyanmiansɔ ngvan'n. Nan svanlan mɔ ɔ'a nne man Nyanmian Awa'n ɔ'a nni man'n, ɔ le man ngvan sɔ'n bie.

### *Nyanmiansɔ ngvan'n m'ɔ le man ayuelie'n*

13 Emɔ mɔ be de Nyanmian Awa'n be di'n, mun keke kalata ehi mun bele emɔ, mun man emɔ nwun yí ke emɔ le nyanmiansɔ ngvan'n m'ɔ le man ayuelie'n.

14 E 'nwun like ati m'ɔ man yé kunnun nditi man yé wɔ Nyanmian anyunnun'n: afti se ye bisa yí like m'ɔ kulo a, ye si yí fóón ke ɔ 'fa man yé.

15 Kemɔ ye si yí fóón ke se ye bisa yí like a, ɔ yɔ anzɔe ɔ tie yé'n, like biala mɔ ye kɔ bisa yí ke ɔ fá mán yé'n, ɔ 'fa man yé.

16 Se svanlan kɔn nwun yí ke yí nianman le yɔ ete m'ɔ ngun man svanlan an, ɔ séle Nyanmian ɔ mán yí, nán Nyanmian 'ba man ɔ nyan ngvan. Mín nwan bé mɔ be yɔ ete m'ɔ ngun man svanlan nin ala. Ete kɔn wɔ ebele, se be yɔ a, ɔ kun svanlan. M'an ngan man ke emɔ séle Nyanmian be mán menian mɔ be yɔ ete sɔ'n.

17 Ete kwalaa ti ete, nan kɔsɔ ete'n mmie-mɔ wɔ ebele, ɔ ngun man svanlan.

<sup>18</sup> Yε sɪ kε sɔanlan biala m'ɔ tɪ Nyanmɪan dɪɛ'n, ɔ nga man ɛtɛ ɛyɔlɛ nɪn anun. Ɔ sanlɪn kɛ Nyanmɪan Awa'n sisa yɪ. Abɔnsanmɔn ngɔala man yɪ like fɪɪ yɔ.

<sup>19</sup> Yé dɪɛ, yε sɪ kε yε tɪ Nyanmɪan amma, nan m̂an bɔndɪn'n, bɛ́ dɪɛ bɛ wɔ Abɔnsanmɔn asa nun.

<sup>20</sup> Yε sɪ kɛ Nyanmɪan Awa nɪn a a hele yé ngɛlɛ maan y'a nɔwun ananhɔlɛ Nyanmɪan'n sakpa. Yε nɔn ananhɔlɛ Nyanmɪan'n muonun, y'a yɔ kɔn wɔ yɪ Wa Zozi Kilisi dunman nun. Yɪ y'ɔ tɪ ananhɔlɛ Nyanmɪan nɪn ɔ, ɛsɛ yɪ y'ɔ tɪ ngɔan'n m'ɔ le man ayuelɪɛ nɪn ɔ.

<sup>21</sup> Mɪn mma-mɔ, ɛmɔ nɪan bɛ́ nɔwɔn kpa wɔ amɔan'n-mɔ anwɔn.

## **Anyin**

### **Anyin: Nyɔhyɛ Fɔfɔlɛ'n New Testament**

copyright © 1997 Wycliffe Bible Translators, Inc.

Language: Agni Sanvi

Contributor: Wycliffe Bible Translators, Inc.

All rights reserved.

2025-04-26

---

PDF generated using Haiola and XeLaTeX on 25 Apr 2025 from source files  
dated 26 Apr 2025

b4bf56fc-6e3d-5a7c-9f55-25d2c3645a88